

(05100010) / (24082023) / (00002267)

(Փաստաթղթի համարը)

ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
Երևանի մաքսային սպասարկման կենտրոն-մաքսատուն, վարչություն
(Մաքսային կանոնների խախտումը քննող ստորաբաժանման անվանումը)

Ո Ր Ո Շ ՈՒ Մ
/վարչական տույժ նշանակելու մասին/

«24» օգոստոսի 2023թ.

ք. Երևան

Հայաստանի Հանրապետության պետական եկամուտների կոմիտեի Երևանի մաքսային սպասարկման կենտրոն-մաքսատուն, վարչության պետի տեղակալ Աղասի Աղայանս, քննելով «Ռոուզ Էմփայր» ՍՊ ընկերության (ՀՎՀՀ՝ 08424711, հասցեն՝ ՀՀ, Գեղարքունիքի մարզ, Ծովակ փ. 2, տ. 4) տնօրեն Սերգեյ Կարենի Հարությունյանի (անձնագիր՝ 004618732, հասցե՝ ՀՀ, Գեղարքունիքի մարզ, Ծովակ փ. 2, տ. 4) նկատմամբ հարուցված մաքսային կանոնների խախտման վերաբերյալ գործը,

Պ Ա Ր Զ Ե Ց Ի

«Ռոուզ Էմփայր» ՍՊ ընկերության անվամբ թիվ 05100010/070423/0035634 ապրանքների հայտարարագրով «Ժամանակավոր ներմուծում (թույլտվություն)» մաքսային ընթացակարգով՝ մինչև 07.07.2023թ., հայտարարագրվել է 2,128 կգ քաշով, թվով 38 հատ բեռնասայլակներ՝ նախատեսված վարդերի փոխադրման համար: Սահմանված ժամկետում վերը նշված բեռնասայլակները չեն վերաարտահանվել, որի արդյունքում խախտվել է հետադարձ արտահանման պարտավորությունը:

ՀՀ ՊԵԿ Երևանի մաքսային սպասարկման կենտրոն-մաքսատուն, վարչության ՓՀ և ԳՀ բաժնի գլխավոր մաքսային տեսուչի կողմից 10.08.2023 թվականին «Ռոուզ Էմփայր» ՍՊ ընկերության տնօրեն Սերգեյ Կարենի Հարությունյանի նկատմամբ կազմվել է մաքսային կանոնների խախտման վերաբերյալ արձանագրություն՝ «Մաքսային կարգավորման մասին» ՀՀ օրենքի 310-րդ հոդվածի հատկանիշներով:

Մաքսային կանոնների խախտման վերաբերյալ գործի քննությունը նշանակվել է 24.08.2023 թվականին ժամը 11:00-ին, ինչի անցկացման վայրի և ժամանակի մասին պատշաճ կարգով ծանուցվել է «Ռոուզ Էմփայր» ՍՊ ընկերության տնօրեն Սերգեյ Կարենի Հարությունյանը, սակայն չի ներկայացել նշված օրը: Գործի քննությունն իրականացվել է վերջինիս բացակայությամբ:

ԵԱՏՄ մաքսային օրենսգրքի 219-րդ հոդվածի 1-ին մասի համաձայն՝ «Ժամանակավոր ներմուծում (թույլտվություն)» մաքսային ընթացակարգն օտարերկրյա ապրանքների նկատմամբ կիրառվող մաքսային ընթացակարգ է, որին համապատասխան այդ ապրանքները ժամանակավոր գտնվում և օգտագործվում են Միության մաքսային տարածքում, պահպանելով ապրանքներն այդ մաքսային ընթացակարգով ձևակերպելու և այդ մաքսային ընթացակարգին համապատասխան դրանք օգտագործելու պայմանները՝

ներմուծման մաքսատուրքերի, հարկերի մասնակի վճարմամբ և առանց հատուկ, հակազնագցման, փոխհատուցման տուրքերի վճարման կամ առանց ներմուծման մաքսատուրքերի, հարկերի վճարման և առանց հատուկ, հակազնագցման, փոխհատուցման տուրքերի վճարման:

ԵԱՏՄ մաքսային օրենսգրքի 220-րդ հոդվածի 2-րդ մասի 1-ին կետի համաձայն՝ ապրանքների՝ «Ժամանակավոր ներմուծում (թույլտվություն)» մաքսային ընթացակարգին համապատասխան օգտագործման պայմաններից է «Ժամանակավոր ներմուծում (թույլտվություն)» մաքսային ընթացակարգի՝ մաքսային մարմնի կողմից սահմանված գործողության ժամկետի պահպանումը:

«Մաքսային կարգավորման մասին» ՀՀ օրենքի 301-րդ հոդվածի 1-ին մասի համաձայն՝ մաքսային կանոնների խախտում է համարվում անձի կատարած անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության պետական սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենքով նախատեսված է պատասխանատվություն:

Նույն հոդվածի 2-րդ մասի համաձայն՝ Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

«Մաքսային կարգավորման մասին» ՀՀ օրենքի 310-րդ հոդվածի 1-ին մասի համաձայն՝ հետագա արտահանման պարտավորությամբ Հայաստանի Հանրապետություն ներմուծված ապրանքները կամ տրանսպորտային միջոցները սահմանված ժամկետում չարտահանելը՝ առաջացնում է տուգանք՝ խախտման օրվա դրությամբ այդ ապրանքների կամ տրանսպորտային միջոցների համար «Բացթողում՝ ներքին սպառման համար» մաքսային ընթացակարգով նախատեսված մաքսային վճարների, մաքսային մարմինների կողմից գանձվող այլ հարկերի, տուրքերի և վճարների (բացառությամբ մաքսային մարմինների կողմից մաքսային գործառնությունների իրականացման համար գանձվող պետական տուրքի) մեծության **քսան տոկոսի չափով, բայց ոչ պակաս, քան հիսուն հազար** դրամի չափով:

«Ռոուզ Էմփայր» ՍՊԸ-ի անվամբ թիվ 05100010/070423/0035634 ապրանքների հայտարարագրով «Ժամանակավոր ներմուծում (թույլտվություն)» մաքսային ընթացակարգով հայտարարագրված ապրանքատեսակը սահմանված ժամկետի ավարտին հաջորդ օրվա՝ 08.07.2023թ. դրությամբ «Բաց թողնում՝ ներքին սպառման համար» մաքսային ընթացակարգով հայտարարագրելու դեպքում կառաջանար մաքսային վճարներ, մաքսային մարմինների կողմից գանձվող այլ հարկեր, տուրքեր և վճարներ՝ ընդհանուր **683,248** ՀՀ դրամի չափով (հիմք՝ զեկուցագիր թիվ Ն/20-1/161363-2023 առ 22.08.2023թ.):

Այսպիսով, վարույթի նյութերով հիմնավորվում է, որ «Ռոուզ Էմփայր» ՍՊԸ ընկերության տնօրեն Սերգեյ Կարենի Հարությունյանը սահմանված ժամկետում չի կազմակերպել թիվ 05100010/070423/0035634 ապրանքների հայտարարագրով ժամանակավոր ներմուծված վարդերի փոխադրման համար նախատեսված բեռնասայլակների վերաարտահանումը, ինչով պայմանավորված՝ թույլ է տվել «Մաքսային


կարգավորման մասին» ՀՀ օրենքի 310-րդ 1-ին մասով նախատեսված մաքսային կանոնների խախտում:

Ելնելով վերոգրյալից և ղեկավարվելով «Մաքսային կարգավորման մասին» ՀՀ օրենքի 310-րդ հոդվածով և Վարչական իրավախախտումների վերաբերյալ ՀՀ օրենսգրքի 214-րդ, 234-րդ հոդվածներով՝

Ո Ր Ո Շ Ե Ց Ի

1. «Մաքսային կարգավորման մասին» ՀՀ օրենքի 310-րդ 1-ին մասով նախատեսված մաքսային կանոնների խախտում կատարելու համար «Ռոուզ Էմփայր» ՍՊ ընկերության տնօրեն Սերգեյ Կարենի Հարությունյանին ենթարկել վարչական պատասխանատվության՝ տուգանելով **136,650 ՀՀ դրամ**:
2. Որոշման մասին հայտնել «Ռոուզ Էմփայր» ՍՊ ընկերության տնօրեն Սերգեյ Կարենի Հարությունյանին՝ պարզաբանելով, որ ՀՀ մաքսային կարգավորման մասին օրենքի 334-րդ հոդվածի 2-րդ մասի համաձայն որոշումն ուժի մեջ է մտնում այն կայացնելու պահից և համաձայն ՀՀ մաքսային ծառայության մասին օրենքի 37-րդ հոդվածի՝ որոշումը կարող է բողոքարկվել վերադաս մաքսային մարմին (պաշտոնատար անձին) կայացնելուց հետո երկամսյա ժամկետում կամ ՀՀ վարչական դատարան՝ ՀՀ վարչական դատավարության օրենսգրքով սահմանված կարգով՝ երկամսյա ժամկետում:

**ԵՐԵՎԱՆԻ ՄԱՔՍԱՅԻՆ ՍՊԱՍԱՐԿՄԱՆ
ԵՆՏՐՈՆ-ՄԱՔՍԱՏՈՒՆ, ՎԱՐՉՈՒԹՅԱՆ
ՊԵՏԻ ՏԵՂԱԿԱԼ**



ԱՐԱՍԻ ԱՐԱՅԱՆ

Որոշման օրինակը _____ հավելվածներով _____ էջերի վրա ստացա.

(իրավախախտում կատարած անձի անունը, ազգանունը, հայրանունը կամ տվյալ անձի ներկայացուցչի անունը, ազգանունը, հայրանունը և լիազորությունը հաստատող փաստաթղթի տվյալները)

ստորագրություն

« _____ » _____ 2023 թ.
(որոշման օրինակի ստացման ամսաթիվը)

Ծանոթություն. Սույն որոշմամբ նշանակված փույթի գումարը ենթակա է վճարման Կենտրոնական գանձապետարանի № 900005024055 հաշվեհամարին 27 ծածկագրով:

Սույն որոշումն անբողոքարկելի դառնալուց հետո «Վարչարարության հիմունքների և վարչական վարույթի մասին» օրենքի 88-րդ հոդվածով սահմանված կարգով և ժամկետներում ուղարկվում է Հայաստանի Հանրապետության հարկադիր կատարումն ապահովող ծառայություն:

Եթե առկա են վերցված ապրանքներ, դրանք վերադարձվում են «Մաքսային կարգավորման մասին» ՀՀ օրենքի 335-րդ հոդվածով սահմանված կարգով և ժամկետներում: